

Fundargerð 64. ársþings HSS



Haldið í Kaffi Norðurfirði
laugardaginn 7. maí 2011

64. ársþing HSS var haldið í Kaffi Norðurfirði laugardaginn 7. maí 2011. Þrjátíu fulltrúar frá öllum aðildarfélögum sóttu þingið; Umf. Hörpa, Umf. Hvöt, Umf. Geisli, Umf. Neisti, Umf. Leifur Heppni, Sundfélagið Grettir, Skíðafélag Strandamanna og Golfklúbbur Hólmavíkur.

1. Þingsetning

Formaður HSS, Vignir Örn Pálsson setti fundinn og bauð þingfulltrúa og gesti þingsins velkomna. Gestir þingsins voru Sæmund Runólfsson, framkvæmdastjóri UMFÍ, Gunnlaug Júlíusson í varastjórn ÍSÍ og Guðmund Hauk Sigurðsson, formaður USVH

2. Tilnefning fundarstjóra, varafundarstjóra, og tveggja fundarritara.

Vignir tilnefnir Björn Torfason fundarstjóra og Arnar S. Jónsson varafundarstjóra. Samþykkt samhljóða. Þá gerði formaður tillögu um Aðalbjörgu Óskarsdóttur og Jóhönnu Ásu Einarsdóttur sem fundarritara. Samþykkt samhljóða.

3. Skipun kjörbréfanefndar

Björn Torfason tók nú við fundarstjórn og lagði fram tillögu um að tilnefna Bryndísi Sveinsdóttur, Úlfar Hjartarson og Steinar Þór Baldursson í kjörbréfanefnd. Samþykkt samhljóða. Kjörbréfanefnd tók þegar til starfa.

4. Skýrsla stjórnar

Vignir Örn Pálsson formaður las skýrslu stjórnar og fór í grófum dráttum yfir starf sambandsins síðastliðið starfsár. M.a. kom fram að Steinar Ingi Gunnarsson var ráðinn framkvæmdastjóri sumarið 2010 og að HSS sendi 32 keppendur á Unglingalandsmót síðastliðið sumar og að Hadda Borg Björnsdóttir og Harpa Óskarsdóttir kepptu á Meistaramóti Íslands. Haldið var innanhúsmót í fótbolta í desember fyrir iðkendur frá 1.-7. Bekk. Iðkendum frá UDN og USVH var boðið að vera með. Héraðsmót á gönguskíðum var haldið í apríl 2011. HSS fékk 100.000 króna styrk frá UMFÍ til að vinna við heimasíðu. Í apríl 2011 var Arnar S. Jónsson ráðinn framkvæmdastjóri, Arnar starfar líka sem íþróttá-og tómstundafulltrúi Strandabyggðar.

5. Ársreikningur

Þorsteinn Newton gjaldkeri lagði fram endurskoðaða reikninga ársins 2010. Þorsteinn fór yfir reikninga og útskýrði einstaka töluliði. Að því loknu gaf fundarstjóri orðið laust.

Kolbeinn Skagfjörð spurðist fyrir um þjálfarastyrki, hvort hægt væri að sækja um styrk til að sækja þjálfaranámskeið. Gjaldkeri taldi að stjórn myndi taka vel í styrkbeiðni.

Oddný Þórðardóttir spurðist fyrir um hvort ekki væri í gangi netfangalisti þar sem hægt væri að senda upplýsingar og minnka þannig póstburðarkostnað. Í svari gjaldkera kom fram að það hefði verið reynt en virtist ekki alltaf skila sér.

Vignir Pálsson ræddi um að með ráðningu framkvæmdastjóra á heils árs grundvelli myndi vera hægt að auka upplýsingaflæði til félaga.

Hér lauk kjörbréfanefnd störfum og skilaði af sér lista yfir þingfulltrúa:

Ungmennafélagið Leifur Heppni

Bjarnheiður Fossdal
Björn Torfason
Guðbrandur Albertsson
Oddný Þórðardóttir
Ásta Þorbjörg Ingólfssdóttir

Golfklúbbur Hólmavíkur

Birna Richardsdóttir
Ingimundur Pálsson

Ungmennafélagið Hvöt

Hadda Borg Björnsdóttir

Ungmennafélagið Harpa

Jón Pálmar Ragnarsson

Ungmennafélagið Neisti

Óskar Torfason
Aðalbjörg Óskarsdóttir
Halldór Logi Friðgeirsson
Harpa Óskarsdóttir

Sundfélagið Grettir

Steinar Þór Baldursson
Sölvi Þór Baldursson

Skíðafélag Strandamanna

Rósmundur Númason
Vignir Örn Pálsson
Úlfar Hjartarson
Jóhanna Rósmundsdóttir
Númi Leó Rósmundsson

Ungmennafélagið Geislinn

Bryndís Sveinsdóttir
Jóhann Áskell Gunnarsson
Jóhanna Ása Einarssdóttir
Dagrún Kristinsdóttir
Stella Guðrún Jóhannsdóttir
Guðfinnur Jóhannsson
Kolbeinn Skagfjörð Jósteinsson
Bjarki Guðlaugsson
Þorsteinn Newton
Arnar Snæberg Jónsson

6. Skýrsla framkvæmdastjóra

Vignir Pálsson formaður skýrði frá því að síðastliðið sumar hefði Steinar Ingi Gunnarsson sinnt starfi framkvæmdastjóra. Vignir þakkaði Steinari vel unnin störf og skýrði í stuttu máli frá skýrslu framkvæmdastjóra sem lögð var fyrir fundinn.

Í skýrslunni gerði Steinar allmargar athugasemdir við starfsemina. Þær helstu voru skortur á tækjum og tólum til íþróttaiðkunar, lítil þátttaka í héraðsmóti í sundi, dræm þátttaka í bikarkeppni í fótbolta og fáir sem tóku þátt í barnamóti í fótbolta. Steinar var hinsvegar ánægður með þátttöku á unglingalandsmóti, héraðsmóti í frjálsum og ánægður með þátttöku foreldra.

Því sem næst steig nýráðinn framkvæmdastjóri HSS, Arnar S. Jónsson, í pontu og kynnti sig og sitt hlutverk sem framkvæmdastjóri HSS. Arnar fór lauslega yfir samning sem gerður var milli HSS og sveitarfélagsins Strandabyggðar um starf framkvæmdastjóra. Hann skýrði m.a. frá því að innan verksviðs hans félli að vera tengiliður við aðildarfélögin og UMFÍ, ÍSÍ og sveitarfélög. Honum væri ætlað að miðla, kynna og markaðssetja sambandið og starf þess, aðstoða aðildarfélögin við Felix skil, styrkbeiðnir og bréfaskrif eftir þörfum, ásamt því að skipuleggja og undirbúa mót sambandsins án þess þó að stjórna þeim á vettvangi.

Starfshlutfall framkvæmdastjóra er 10 % á ársgrundvelli og HSS greiðir Strandabyggð 500.000 á ári. Samningurinn tók gildi við undirskrift þann 1. apríl 2011 og gildir til eins árs. Arnar sagðist hlakka mikið til að vinna með aðildarfélögum, stjórnnum og fólkinu sem skipar aðildarfélög HSS.

Fundarstjóri gaf orðið laust um skýrslu framkvæmdastjóra. Jóhann Áskell Gunnarsson bað um orðið og lýsti yfir miklum stuðningi með fyrirkomulagið og samninginn.

Þá var komið að ávörpum frá gestum þingsins.

Fyrstur steig í pontu Gunnlaugur Júlíusson sem nýverið var kjörinn í varastjórn ÍSÍ. Gunnlaugur lýsti yfir ánægju sinni með að vera kominn norður í Árneshrepp, enda ætti hann ættir að rekja á svæðið. Hann bar fyrir góðar kveðjur frá ÍSÍ og frá starfsfólki sambandsins. Meðal þess ríkir mikil ánægja með hversu vel aðildarfélög HSS skila inn í Felix félagakerfið. Gunnlaugur skýrði frá því að á þingi ÍSÍ hafi mikið verið rætt um ásókn menningargeirans í lottótekjur. Íþróttahreyfingin er samstíga um að afsala sér ekki tekjum frá lottó til menningarverkefna, enda séu ríkisstyrkir til menningarmála mun meiri en til íþróttamála. Á vegum ÍSÍ verða tveir stórir atburðir á næsta ári; annars vegar 100 ára afmæli sambandsins og Ólympíuleikar.

Sæmundur Runólfsson, framkvæmdastjóri UMFÍ, bað fyrir góðar kveðjur frá formanni, stjórn og starfsfólki UMFÍ. Hann óskaði HSS til hamingju með hið mikla sjálfbóðaliðastarf sem er unnið á vegum sambandsins. Einnig óskaði hann sambandinu til hamingju með fjárhagslega stöðu.

Sæmundur ræddi um og kynnti stuttlega ýmis verkefni tengd almenningisþróttum sem eru í gangi hjá UMFÍ, t.d. Fjölskyldan á fjallið og Hættu að hanga, farðu út að ganga. Þá nefndi hann einnig árlegt Unglingalandsmót sem haldið verður á Egilsstöðum um verslunarmannahelgina og einnig Landsmót 50+ sem haldið verður í fyrsta sinn á Hvammstanga helgina 24.-26. júní.

Sæmundur kvaðst ánægður með að sjá hve mikið væri af ungu fólki á þinginu. Hann benti á Evrópu unga fólksins sem afar hentugt og gott tækifæri fyrir ungt fólk á aldrinum 13-30 ára til að taka þátt í ýmsum spennandi verkefnum. Þá er UMFÍ einnig í samstarfi við danska lýðháskóla fyrir ungt fólk á aldrinum 16-24 ára, en í gegnum það verkefni er mögulegt að stunda nám í skólunum allt frá tveimur mánuðum upp í ár. Sæmundur óskaði að lokum HSS til hamingju með ráðningu framkvæmdastjóra. Mikilvægt væri að almenn starfsemi sambandanna tengist enn frekar inn í sveitarstjórnir þar sem það getur opnað fyrir skilning á ýmsum þörfum íþróttahreyfingarinnar.

Þá tók Guðmundur Haukur Sigurðsson, formaður USVH, til máls. Hann þakkaði fyrir ánægjulegt samstarf á unglíngalandsmótum undanfarin ár og lýsti yfir ánægju með ráðningu starfsmanns hjá HSS. Í USVH hefur verið starfsmaður á ársgrundvelli í tólf ár. Sveitarfélagið styrkir myndarlega við sambandið. Tekjur sambandsins eru lottó, auglýsingablað og Húni sem er rit með sögum úr héraði, gefið út árlega. Þann 24.-26. júní er Landsmót 50+ haldið á Hvammstanga, en USVH verður 80 ára 28.júní og er því landsmótið afmælisveisla um leið. Fjölbreytt dagskrá verður í boði á landsmótinu bæði til skemmtunar, keppnisgreinar og fræðsla. Fjallaskokk sem verið hefur undanfarin 10-12 ár verður haldið á landsmótinu. Guðmundur hvetur félagi í HSS til að heimsækja Hvammstanga þessa helgi.

7. Kosning nefnda

Fundarstjóri bar upp tillögu stjórnar um skiptingu í uppstillingarnefnd, fjárhagsnefnd, íþróttarnefnd og allsherjar- og laganefnd.

Fjárhagsnefnd

Þorsteinn Newton formaður
Ingimundur Pálsson
Oddný Þórðardóttir
Guðfinnur Ragnar Jóhannsson
Úlfar Hjartarson

Uppstillingarnefnd

Bjarnheiður Fossdal formaður
Rósmundur Númason
Kolbeinn Skagfjörð Jósteinsson
Sölvi Þór Baldursson
Halldór Logi Friðgeirsson

Íþróttanefnd

Jóhann Áskell Gunnarsson formaður
Bryndís Sveinsdóttir
Harpa Óskarsdóttir
Guðbrandur Albertsson
Ásta Þorbjörg Ingólfssdóttir
Stella Guðrún Jóhannsdóttir
Amar Jónsson
Jóhanna Rósmundsdóttir
Steinar Þór Baldursson
Jón Pálmar Ragnarsson
Hadda Borg Björnsdóttir

Allsherjar- og laganefnd

Óskar Torfason formaður
Bjarki Hólm Guðlaugsson
Björn Torfason
Dagrún Kristinsdóttir
Vignir Örn Pálsson
Númi Leó Rósmundsson
Birna Richardsdóttir

Tillagan samþykkt samhljóða.

8. Framkomnar tillögur lagðar fram og vísað til nefnda.

Stjórn HSS lagði fram þrjár tillögur til nefnda. Vignir Örn Pálsson formaður lýsti tillögunum.

Eftirfarandi tillögu var vísað til allsherjar- og laganefndar:

64. ársþing HSS haldið í Norðurfirði þann 7. maí 2011, samþykkir eftirfarandi reglugerð við val á efnilegasta íþróttamanni ársins hjá HSS: Eftirtaldir aðilar hafa atkvæðisrétt í vali á efnilegasta íþróttamanni HSS. Formenn aðildarfélaga HSS og aðalstjórnarmenn HSS, ef formaður aðildarfélags er í stjórn HSS fær næsti maður í stjórn aðildarfélagsins atkvæðisrétt. Kosning skal fara fram fyrir ársþing HSS ár hvert og viðurkenningin veitt á ársþingi HSS. Hver sá sem hefur atkvæðisrétt í kjörinu skal velja 3 íþróttamenn, sem fá við það 3, 2 og 1 stig. Stigahæsti íþróttamaður hlýtur viðurkenninguna. Skilyrði er að íþróttamaður sé að lágmarki 10 ára á árinu og hafi íslenskan ríkisborgararétt.

Eftirfarandi tillögum var vísað til íþróttanefndar:

64. ársþing HSS haldið í Norðurfirði þann 7. maí 2011, samþykkir að stefnt verði að halda sameiginlegt sundmót með UDN á Reykhólum á þessu ári.

64. ársþing HSS haldið í Norðurfirði þann 7. maí 2011, samþykkir að bjóða keppendum frá UDN og USVH á Héraðsmót í frjálsum íþróttum í sumar. Hljóti þeir keppendur verðlaun sem og aðrir og stig í stigakeppni félaganna.

9. Nefndarstörf

Nú tóku nefndir til starfa auk þess sem gert var kaffihlé. Veitingar voru reiddar fram af Einari veitingamanni á Kaffi Norðurfirði. Gerðu þingfulltrúar veitingunum góð skil og voru ánægðir með hversu höfðinglega var veitt.

10. Nefndarálit, umræður og atkvæðagreiðslur

Fjárhagsnefnd

Þorsteinn Newton kom í pontu og lagði fram tillögu fjárhagsáætlun fyrir árið 2012. Örlitlar breytingar voru gerðar frá áætlun síðasta árs en annars er hún svipuð. Leitast verði við að spara í póst- og dreifingarkostnaði. Tillaga að fjárhagsáætlun var borin upp af fundarstjóra. Samþykkt samhljóða.

Allsherjar- og laganefnd

Óskar Torfason formaður nefndarinnar kom í pontu og lagði til að gerðar yrðu breytingar á tillögu um kjör á efnilegasta íþróttamanni HSS í þá veru að miðað yrði við 12 ára í stað 10 ára. Einnig velti Óskar upp þeirri spurningu hvort þörf væri á að hafa ákvæði í tillögunni um að viðkomandi verði að hafa íslenskan ríkisborgararétt. Arnar S. Jónsson og Vignir Örn Pálsson tóku til máls um þetta. Samþykkt var samhljóða að fella klausuna út og breyta aldrinum eftir tillögu nefndarinnar. Endanleg samþykkt reglugerð hljómar því á þennan veg:

„Eftirtaldir aðilar hafa atkvæðisrétt í vali á efnilegasta íþróttamanni HSS. Formenn aðildarfélaga HSS og aðalstjórnarmenn HSS, ef formaður aðildarfélags er í stjórn HSS fær næsti maður í stjórn aðildarfélagsins atkvæðisrétt. Kosning skal fara fram fyrir ársþing HSS ár hvert og viðurkenningin veitt á ársþingi HSS. Hver sá sem hefur atkvæðisrétt í kjörinu skal velja 3 íþróttamenn, sem fá við það 3, 2 og 1 stig. Stigahæsti íþróttamaður hlýtur viðurkenninguna. Skilyrði er að íþróttamaður sé að lágmarki 12 ára á árinu.“

Íþróttanefnd

Jóhann Áskell Gunnarsson formaður nefndarinnar tók til máls og lagði fram fjórar tillögur íþróttanefndar.

a) Tillaga íþróttanefndar að mótadagskrá sumarsins:

- Landsmót 50 ára og eldri á Hvammstanga – 24.-26. júní
- Pollamót í knattspyrnu á Hólmavík - 3.júlí
- Héraðsmót HSS á Sævangsvelli - 23. júlí
- Unglingalandsmót á Egilsstöðum – 29.-31. júlí
- Barnamót HSS á Drangnesi - 20. ágúst
- Sundmót HSS - framkvæmdastjóra og sundráði falið að finna dagsetningu.

Bikarkeppni HSS í knattspyrnu falli niður þetta árið. Aðildarfélög HSS eru hvött til að koma á firmamóti í knattspyrnu í staðinn.

Nokkrar umræður fóru fram um tillöguna. Tillaga um mótadagskrá síðan borin undir atkvæði og samþykkt samhljóða.

b) Breytingartillaga íþróttanefndar um sundmót í samvinnu við UDN:

Jóhann Áskell lagði fram breytingartillögu íþróttanefndar á framlagðri tillögu stjórnar. Endanleg útgáfa yrði á þennan veg:

„64. ársþing HSS haldið í Norðurfirði þann 7. Maí 2011, samþykkir að stefnt verði að halda sameiginlegt sundmót með UDN á Reykhólum á þessu ári. Dagsetning verði ákveðin í samráði við framkvæmdarstjóra og sundráð.“

Samþykkt samhljóða.

c) Breytingartillaga íþróttanefndar um boð á Héraðsmót:

Jóhann Áskell lagði fram breytingartillögu íþróttanefndar við áður framlagða tillögu stjórnar HSS. Breytingartillagan var svo hljóðandi: „64. ársþing HSS haldið í Norðurfirði þann 7. maí 2011, samþykkir að bjóða keppendum frá UDN og USVH á Héraðsmót í frjálsum íþróttum í sumar. Hljóti þeir keppendur verðlaun sem og aðrir og stig í stigakeppni félaganna, svo framarlega sem það brjóti ekki reglur HSS um framkvæmd Héraðsmóts.“

Allmiklar umræður fóru fram í sal um þessa tillögu, sér í lagi um hvort það bæri að hafa mótið opið eða ekki og hvernig verðlaunaafhendingu og stigagjöf skyldi háttað. Sæmundur Runólfsson tók til máls og lagði til að allir keppendur og félög myndu keppa sín á milli og hljóta verðlaun eftir því en félög innan HSS myndu keppa innbyrðis í stigakeppni.

Formaður íþróttanefndar og formaður HSS gerðu þá svohljóðandi breytingartillögu í samræmi við umræður:

„64. ársþing HSS haldið í Norðurfirði þann 7. maí 2011, samþykkir að bjóða keppendum aðildarfélaga UDN og USVH á Héraðsmót í frjálsum íþróttum í sumar. Hljóti þeir keppendur verðlaun eins og aðrir, en stigakeppni mótsins sé eingöngu milli aðildarfélaga HSS.“

Tillagan samþykkt samhljóða.

d) Tillaga íþróttanefndar um haustþing HSS:

Jóhann lagði fram tillögu frá íþróttanefnd um að halda haustfund. Tillagan var rædd í sal og að lokinni umræðu og smávægilegum breytingum á orðalagi (þingi breytt í fund) var tillagan lögð fram aftur:

„64. ársþing HSS haldið í Norðurfirði þann 7. maí 2011, leggur til að haldinn verði haustfundur HSS á Drangnesi 20. ágúst 2011. Þar verði tekin ákvörðun um mótahald vetrarins og farið yfir sumarstarfið.“

Tillagan samþykkt samhljóða.

11. Kosningar

Formaður Uppstillingarnefndar, Bjarnheiður Júlía Fossdal, las upp tillögu nefndarinnar að stjórnnum, endurskoðendum, ráðum og nefndum. Fundarstjóri bar tillögurnar undir atkvæði:

Stjórn HSS:

Vignir Örn Pálsson
Aðalbjörg Óskarsdóttir
Þorsteinn Newton
Hrafnhildur Þorsteinsdóttir
Rósmundur Númason

Til vara:

Óskar Torfason
Bjarnheiður Fossdal
Birna Richardsdóttir

Tillagan samþykkt samhljóða.

Skoðunarmenn reikninga:

Þorsteinn Sigfússon
Ingimundur Pálsson

Til vara:

Ólafur Ingimundarson
Signý Ólafsdóttir

Samþykkt samhljóða.

Frjálsíþróttaráð:

Sigríður G. Jónsdóttir
Sigríður Drífa Þórólfsdóttir
Birna Ingimarsdóttir

Til vara:

Bryndís Sveinsdóttir
Bjarnheiður Fossdal

Samþykkt samhljóða.

Knattspyrnuráð:

Halldór Logi Friðgeirsson
Jón Eðvald Halldórsson
Sölvi Baldursson

Til vara:

Róbert Hlífur Ingólfsson
Kolbeinn Skagfjörð Jósteinsson

Samþykkt samhljóða.

Körfuboltaráð:

Ragnar Bragason
Kolbeinn Skagfjörð Jósteinsson
Ágúst Eysteinnsson

Til vara:

Óskar Torfason
Björn Torfason

Samþykkt samhljóða.

Sundráð:

Guðbjörg Hauksdóttir
Hafdís Baldursdóttir
Sigurður Marínó Þorvaldsson

Til vara:

Helga Arngrímsdóttir
Aðalbjörg Óskarsdóttir

Samþykkt samhljóða.

Unglingalandsmótsnefnd:

Óskar Torfason
Jóhann Áskell Gunnarsson
Jón Pálmar Ragnarsson

Samþykkt samhljóða.

12. Önnur mál

Fundarstjóri gaf nú orðið laust.

Sæmundur Runólfsson hélt stutt ávarp og afhenti síðan þeim Aðalbjörgu Óskarsdóttur og Rósmundi Númasyni starfsmerki UMFÍ. Þingfulltrúar klöppuðu þeim lof í lófa.

Gunnlaugur Júlíusson steig í pontu og þakkaði kærlega fyrir sig.

Vignir Örn Pálsson tók til máls og tilkynnti um val á íþróttamanni ársins árið 2010, en hann var kjörinn af formönnum félaga og stjórn HSS skv. reglugerð þar að lútandi. Níu aðilar hlutu atkvæði en Hadda Borg Björnsdóttir hástökkvari úr Umf. Hvöt hlaut afgerandi kosningu í fyrsta sætið. Vignir afhenti Höddu farandbikar sambandsins við lófatak þinggesta.

Vignir afhenti síðan Skíðafélagi Strandamanna farandbikar sem UMFÍ gaf HSS á 60 ára afmæli þess árið 2004. Bikarinn hlýtur félag, aðili eða stofnun sem hefur unnið gott og hvetjandi starf á árinu. Að þessu sinni hlaut Skíðafélag Strandamanna bikarinn fyrir frábært starf í þágu gönguskiðaiðkunar á Ströndum. Vignir fór lauslega yfir gott starf Skíðafélagsins þar sem farið var á Andrésar Andarleikana með frábærum árangri, fjölmenn Strandaganga haldin og æfingar haldnar af miklum krafti þrátt fyrir snjóleysi við og við. Hann nefndi sérstaklega þá Rósmund Númason og Ragnar Bragason sem öflugra aðila innan félagsins. Rósmundur tók við bikarnum fyrir hönd Skíðafélagsins.

Arnar S. Jónsson kom í pontu og óskaði handhöfum viðurkenninga og bikara innilega til hamingju. Hann þakkaði fyrir að fá að sitja þingið og sagðist hlakka til starfsins með

Héraðsambandinu. Hann hvatti þingfulltrúa, formenn og aðildarfélög til að vera í góðu sambandi við sig. Mögulegt væri að gera komandi ár þau bestu í sögu HSS.

Vignir formaður tók til máls og benti félögum á að hægt sé að nota getraunir til fjáröflunar en sú leið er mjög lítið notuð. Benti á að félögin sjálf geta selt sjálf getraunir beint og fengið hærri þóknun fyrir það en þegar keypt er í gegnum lottókassana, eða 48%.

13. Þingslit

Vignir Örn Pálsson tók til máls og bað um samþykki fyrir að fundarritarar myndu ganga frá fundargerð eftir þingið. Samþykkt samhljóða. Hann þakkaði starfsmönnum þingsins, riturum og fundarstjóra kærlega fyrir komuna auk þess sem hann kallaði fram Einar Óskar Sigurðsson á Kaffi Norðurfirði sem fékk veglegt klapp fyrir veitingarnar. Vignir sleit síðan þinginu.

Þingi slitið kl 17.00.

Fundargjörð rituð af Aðalbjörgu Óskarsdóttur
og Jóhönnu Ásu Einarsdóttur,
hreinskrifuð af Arnari S. Jónssyni.